

10.02.2020թ.

ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 403088/09
ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ**

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 10.02.2020թ. թիվ 2870 վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ _____ գործը և կից նյութերը,

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների «ՍԻԹԻ ՔՈՆՍԹՐԱՔՇՆ» ՍՊԸ-ի տնօրեն Սուրեն Թորոսյանը (ՀՎՀՀ՝ 04232042, հասցե՝ Արարատի մարզ, ք. Մասիս, Մասիս 1 թղմ. 5 փող. 22 տուն) հարկային պարտավորությունները 24.12.2019թ-ի դրությամբ կազմել են 854.162 ՀՀ դրամ, որից 851.608 ՀՀ դրամ գումարն առաջացել է 2019թ-ի նոյեմբեր ամսվա ավելացված արժեքի հարկի հաշվարկից: 2019թ-ի նոյեմբեր ամսվա ԱԱՀ-ից առաջացած հարկի գումարը «ՍԻԹԻ ՔՈՆՍԹՐԱՔՇՆ» ՍՊԸ-ի տնօրեն Սուրեն Թորոսյանի կողմից ՀՀ Հարկային օրենսգրքի 78-րդ հոդվածի 1-ին մասով սահմանված ժամկետում չի վճարվել, որի համար նախատեսվում է պատասխանատվություն վարչական իրավախախտումների վերաբերյալ ՀՀ օրենսգրքի 170³ հոդվածով:

Վարույթի շրջանակներում ընկերության տնօրենի կողմից ներկայացվել է դիմում առ այն, որ «ՍԻԹԻ ՔՈՆՍԹՐԱՔՇՆ» ՍՊԸ-ն 05.02.2020թ. ՀՀ ՊԵԿ է ներկայացրել ավելացված արժեքի հարկի և ակցիզային հարկի միասնական հաշվարկների ճշգրտված հաշվարկներ 2019թ. մայիս, օգոստոս և հոկտեմբեր ամիսների համար, որի արդյունքում հարկային մարմնում վարվող անձնական հաշվի քարտի տվյալներում ԱԱՀ-ի դեբետը ավելացել է 1.048.266 ՀՀ դրամի չափով, որը բավարարում է 24.12.2019թ. դրությամբ՝ մինչև ճշտված հաշվարկների ներկայացումը, ֆիքսված 851.608 ՀՀ դրամ ԱԱՀ գծով պարտավորության մարման համար:

Վերոնշյալ հանգամանքները վարչական պատասխանատվությունից ազատելու հիմքեր չեն հանդիսանում, քանի որ հարկային պարտավորությունները օրենքով սահմանված ժամկետում չեն մարվել:

Անհրաժեշտ է նշել նաև, որ ՀՀ Հարկային օրենսգրքի 33-րդ հոդվածով սահմանվում են հարկ վճարողների և դրանց պաշտոնատար անձանց պարտականությունները և նշված հոդվածի 1-ին մասի 1-ին կետի համաձայն հարկ վճարողը (հարկային գործակալը) և դրա պաշտոնատար անձը պարտավոր է օրենսգրքով այլ բան սահմանված չլինելու դեպքում Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում ինքնուրույն հաշվարկել և կատարել իր հարկային պարտավորությունները՝ Օրենսգրքով և վճարների վերաբերյալ Հայաստանի Հանրապետության օրենքներով սահմանված դեպքերում և կարգով կատարելով նաև հարկի և (կամ) վճարի կանխավճարներ, իսկ համաձայն վարչական իրավախախտումների վերաբերյալ ՀՀ օրենսգրքի 170³ հոդվածի հարկերը, տուրքերը և օրենքով

սահմանված պարտադիր այլ վճարումները սահմանված ժամկետներում չվճարելը առաջացնում է տուգանքի նշանակում:


Այն փաստը, որ Սուրեն Թորոսյանի կողմից կողմից իրավախախտումը վերջին մեկ տարվա ընթացքում կատարվել է առաջին անգամ, սույն գործով դիտվում է որպես պատասխանատվությունը մեղմացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի՝ Սուրեն Թորոսյանի նկատմամբ կիրառել վարչական տույժ՝ նշանակել տուգանք 10.000 (տաս հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ծանոթություն Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բացթողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին՝ 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը: Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանք ընշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____